

Transkription von Urkunde MGD 1453g

Ort, Datierung: Magdeburg, 1453-07-10

Signatur: Stadtarchiv Zerbst, MUB II, 656

Inhalt: Rat der Stadt Magdeburg: Rechtsstreit

Vnser(e)n fruntliken dinst , thuuor(e)n Ersame(n) bisund(er)n leue(n) frunde So gi vns / von sodanen saken hans molre vnd(e) Clawes bornen vnser vnd(e) hinrik vothe / Juwen bōrger(e)n andrepēde hebben geschreue(n) (etc.) hebben wij to guder mate v(or)stan / vnd(e) dhon Juk des gutliken weten dat de g(en)ante hans molre Jtzundt nicht Jnheymisch / en Js Sunder so schire he wedder(e) bij de hant kome(n) wert , vnd(e) ohne hebben moge(n) / wille(n) wij mit , ohme daruth reden vnd(e) Juk denne dat aüescheydint witlik wer/den laten , vnd(e) vns dūnket nūtte sūn dat gij so lange den gnanten hinrik vōth / by Juk beholden opp dat , de sake to eynem ende mochte kome(n) vnd(e) wes we Juwer(e) / leue forder to willen vnd denste mogen wesen dhon wij Jnflite g(er)ne Geschreue(n) / Am dinstedage vor marga(r)ete vnder vns(er) Stad Secret(um) Anno domi(ni) (etc.) liij^o /

Ok guden frunde So gij dem ersame(n) heysen Vvlfen vnsem borg(er)meste(re) von sodaner(e) / anlanginge von Juwen h(e)rn v(m)me Jtlik hofewergk (etc.) hebben geschr(euen) , des dhon / wij Juk tho weten dat vnse gnedige herre von magdeburch vns ok in dem / geliken angelanget hefft vnd(e) wij vormoden vns wý werden ōhme dar Jnne / mit Jtliken vns(er)n hoffewerke tho denste wesen (etc.) dat(um) vtscup(ra) /